

Lozcwngz: “Gohoengz Haprwenz” Haenhdanq Aencingz Dangj

罗城：“红歌飞扬”颂党恩

6 nyied 26 hauh banhaemh, Lozcwngz Mulajcuz Swciyen youq yienhsingz minzcuz vwnzva gvangj Cangz gawjbanh “Simhoengz Riengz Dangj Gohoengz Haprwenz” vwnzyi vanjvei, gyoengq yenjyenz Dunghmwz Cin yezyiz vwnzyidui youh ciengq youh foux, daiq hawj daihgya 《Ngoenzneix Dwg Ngoenzseng Mwngz》、《Ciengqdanq Gue-

kcoj》、《Dangj Ha, Daxmeh Ndiepgyaez》daengj 16 aen cezmu, danqhaenh dangj、danqhaenh guekcoj、ciengqyiengj “Siengj-muengh Cungguek”, hoh guekcoj yied daeuj yied gyaunde, doxcaez angqhoh dangj laebbaenz 94 hopbi.

(Liu Gvanghfuz/廖光福 Vuz Haijlinz/吴海林)



Lungzswng Hungzyauz Beixnuengx Angq Gvaq “Ciet Buhnding”

龙胜红瑶同胞载歌载舞欢度“红衣节”

6 nyied 29 hauh, dwg “Ciet Buhnding” Lungzswng Gak Cuz Swciyen Swsuij Yangh Mbanjbanhnei Hungzyauz beixnuengx.

Binaengz liggaeuq ngux nyied cibsei, cibhaj dwg ngoenzciet Banhnei Yauzcai Hungzyauz beixnuengx doxcomz he. Ngoenzde, gyoengq beixnuengx Hungzyauz caeuq

gyoengq hekyouz youq Mbanjbanhnei guh ciengq go、bingz daksau gyaunde、siuqva、dwk geiz daengj lai cungj lai yiengh daegsaek conzdungj hozdung, yinx vunzlai dangdieg caeuq gyoengq hekyouz bae humxyawj, nauhyied dangqmaz.

(Veiz Gizyangz/韦吉阳 Vuz Swnghbinh/吴生斌)



▲ Vunzlai Hungzyauz daenj buh moq vaq moq vuenheij camgya “ciet buhnding” hozdung.



▲ Daksau dak buhnding.

Yangzsoz Yen Fuzli Cin Gawjbanh “Ngux Nyied Bet” Ciet Minzsuz Vwnzva Lijyouz

桂林阳朔县福利镇举办“五月八”民俗文化旅游节

6 nyied 23 hauh, Yangzsoz Yen Fuzli Cin miz aen cwnghu “Aen Yangh Yisuz Ndawbiengz Daengx Guek” haenx gawjbanh “Ngux Nyied Bet” Ciet Minzsuz Vwnzva Lijyouz, geij fanh boux hekyouz ndaw guek rog guek caeuq vunzlai dangdieg camgya aen ciet conzdungj neix.

Banhaet 8 diemj cung, youz 400 lai boux vunzlai guhbaenz aen vwnzyi duivuj hainduj youzbyaij. Ndaw doihbyaij miz geiz、foux lungz foux saeceij、bauqva、gyong daengj doihvunz, cezmu lai cungj lai yiengh gig ndeiyawj, yinx haujlai vunz ndiengq din dwk yawj. Vwnzyi youzbyaij sat le, aen cin neix lij gawjbanh bonjdieg gvangj Cangzvuj doxdax. Hozdung haemh haenx, aen cin neix gyoengq boux gyaenz vwnzyi lij vih beksingq dangdieg yienj ciengz vwnzyi cezmu he.

Ciuq bouxgeq dangdieg naeuz, Gaifuzli “ngux nyied bet” dwg daj Cinghcauz geizlaeng hainduj, daengz seizneix gaenq ndaej 300 lai bi lo. Gaenx geij bi neix daeuj,



▲ Gvangj Cangzvuj doxdax.

Fuzli Cin Cwngfuj baengh aen ciet minzsuz “ngux nyied bet” neix, gajjbaenz ciet minzsuz vwnzva lijyouz, muzdiz dwg hungzyangz Fuzli Cin ndawbiengz vwnzva yisuz, gya’ gvangq Fuzli Cin doiqrog ginghci doxgyau, hawj Fuzli Cin ginghci hwngfat ndaej engqgya ndei.

(Siz Hungzmeiz/石红梅 Cinz Suhminj/陈淑敏 Ya Cicing/夏智婧)

Dung’ vaben Vahcuengh 《Hoenx Yahvaiz》 Youq Gingloz Siujyoz Sawq Ingj Ndaej Haenh

壮语版动画片《大战人熊婆》在庆乐小学试映受点赞

Vujmingz Yen Gingloz Siujyoz mwh angqhoh “roekit” cieltwngyez, Gvangjsih Densidaiz daiq bouh dung’ vaben Vahcuengh 《Hoenx Yahvaiz》 dajsuenq youq “roekit” geizgan cuengqingj haenx bae ndaw hagdangz cuengqingj, hawj gyoengq hagseng sien ndaej gvaqyinx mbat ndeu. Bouh dung’ vaben neix dwg Gvangjsih Densidaiz vih swncienz vwnzva minzcuz, caemhcaiq gya’ gvangq gij yingyangliz 《Baenzdauq Dungvaben Goj Saujsu Minzcuz Ndawbiengz》 haenx, cix dawz bouh dung’ vaben 《Hoenx Yahvaiz》 fanhoiz baenz Vahcuengh.

Goj 《Hoenx Yahvaiz》 youq vunz banlaux Vujmingz seiz lijij haenx, bouxboux cungj rox. Gojgaeq lwnhgangj duzyahvaiz gyajcang yahdaiq, doeklaeng deng song boux lwnyez beixnuengx Mbanjcuengh nyinh’ok, caiqlij maenh’ak lingzloengz dwk dawz “duzyahvaiz” gyaep ok ranz bae. Sawq ingj yienhciegz gig nauhyied, gyoengq doengzhag riengz gij cingzcez de riuhaha, sawq ingj sat le cungj hemq naeuz mbouj gvaqyinx, gouz cuengq baez daihngieh.

Sawq ingj sat le, swcigih caeuq yienh mizgven lingidauj、gyoengq fanhoiz、boiqyaem、Vujmingz Yen minzsuz conghyah caeuq sawq ingj hozdung lauxsae hagseng daibyauj hai baez hoih he, daihgya cungj nyinhnaeuz, 《Baenzdauq Dungvaben Goj Saujsu Minzcuz Ndawbiengz》dwg doiq ndawbiengz cienzgangj dizcaiz vatcimh caeuq gajjbiez gig miz ik, vah minzcuz fanhoiz engq ndaej daengz bouxyawj daegbied dwg lwnyez dieg saujsu minzcuz haengjgyaez, doiq gyoengq lwnyez hungzyangz caeuq swncienz minzcuz vwnzva engqgya miz gij cigziz doidoengh cozyung. Ndaw doz dwg gyoengq doengzhag Gingloz Siujyoz caeuq gyoengq boux fanhoiz boiqyaem dung’ vaben caez youq itheij.

(Vangz Sauvuj/黄绍武)

